

ZAPISNIK
sa 1. vanredne elektronske sjednice Upravnog odbora
Univerziteta u Tuzli održane 01.06.2020.godine

Zbog hitnosti u postupanju, organizirana je 1. vanredna elektronska sjednica Upravnog odbora na dan 01.06.2020. godine.

Članovima Upravnog odbora je dostavljen prijedlog dnevnog reda i to:

DNEVNI RED:

1. Razmatranje Prijedloga Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2020/21. godini

Elektronskim putem, članovima Upravnog odbora dostavljen je Prijedlog Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2020/21. godini.

U radu sjednice učestvovali su predsjednica Upravnog odbora Senada Karajbić, dipl.pravnik te članovi: dr.sci.Senaid Hadžić, red.prof., dr.sci.Redžo Butković, docent, dr.sci.Sandira Eljšan,red.prof, dr.sci.Zehrudin Osmanović,red.prof., dr.sci.Franc Andrejaš, vanr.prof., dr.sci. Haris Huseinagić, i Noris Sakić,student, koji su se, elektronskim putem sa svoje e-mail adrese, izjasnili po tački 1.dnevnog reda.

Prilog ovom Zapisniku čini ispis poruka elektronske pošte članova Upravnog odbora.

TAČKA 1.

Za Prijedlog Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2020/21. godini, glasalo je ukupno 8 članova, čime je Upravni odbor većinom glasova, utvrdio prijedlog

O D L U K E

**o iznosu participacije i školarine u troškovima sva tri
ciklusa studija na fakultetima/Akademiji Univerziteta u Tuzli
u akademskoj 2020/21. godini**

Član 1.

Redovni studenti prvog i integriranog prvog i drugog ciklusa studija koji se finansiraju iz Budžeta TK i koji nemaju status zaposlenog lica, u akademskoj 2020/21. godini plaćaju participaciju u troškovima studija u visini od 100,00 KM po semestru.

Član 2.

Redovni studenti prvog i integriranog prvog i drugog ciklusa studija koji se sami finansiraju u akademskoj 2020/21. godini, a prvi puta upisuju prvu studijsku godinu plaćaju školarinu u iznosima kako slijedi:

- 900,00 KM po semestru na Akademiji dramskih umjetnosti, Medicinskom fakultetu i Odsjeku zdravstvenih studija Medicinskog fakulteta,
- 750,00 KM po semestru na Fakultetu elektrotehnike (Elektrotehnika i računarstvo), Farmaceutskom fakultetu, Mašinskom fakultetu, Prirodno-matematičkom fakultetu, Rudarsko-geološko-građevinskom fakultetu i Tehnološkom fakultetu,
- 600,00 KM po semestru na Edukacijsko-rehabilitacijskom fakultetu, Ekonomskom fakultetu, Fakultetu za tjelesni odgoj i sport, Fakultetu elektrotehnike (Tehnički odgoj i informatika), Filozofskom fakultetu i Pravnom fakultetu.

Član 3.

Vanredni studenti prvog ciklusa studija, koji se sami finansiraju, a prvi put upisuju studijsku godinu, plaćaju školarinu u akademskoj 2020/21. godini u iznosu od 750,00 KM po semestru na

Ekonomskom fakultetu (Poslovna ekonomija) i Fakultetu za tjelesni odgoj i sport (Edukacija trenera u sportu).

Član 4.

Redovni i vanredni studenti prvog i integriranog prvog i drugog ciklusa studija koji se sami finansiraju, a koji su ranije stekli status studenta, u akademskoj 2020/21. godini plaćaju školarinu u visini utvrđenoj za akademsku godinu u kojoj su stekli status studenta prve godine.

Član 5.

Studenti drugog ciklusa studija, za studijske programe u trajanju od jedne akademske godine plaćaju školarinu u visini od 2.400,00 KM, a studenti studijskih programa u trajanju od dvije akademske godine, plaćaju školarinu u iznosu od 2.400,00 KM po studijskoj godini.

Član 6.

Studenti trećeg ciklusa studija upisani u akademskoj 2020/21. godini, plaćaju školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom fakultetu, Ekonomskom fakultetu, Farmaceutskom fakultetu, Medicinskom fakultetu, Pravnom fakultetu, Prirodno-matematičkom fakultetu, Rudarsko-geološko-građevinskom fakultetu, Tehnološkom fakultetu i zajedničkom doktorskom studiju Prirodno-matematičkog i Tehnološkog fakulteta,
- 14.000,00 KM na Fakultetu elektrotehnike i Mašinskom fakultetu.

Kandidati strani državljani i lica bez državljanstva plaćaju školarinu u visini utvrđenoj Odlukom Vlade Tuzlanskog kantona.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, a što će se bliže utvrditi odlukom nadležnog organa, u skladu sa studijskim programom.

Član 7.

Svi studenti prvog i integriranog prvog i drugog ciklusa studija Univerziteta, kao i studenti u statusu apsoluta prilikom upisa u akademsku godinu plaćaju premiju osiguranja u iznosu od 4,00 (četiri) KM za akademsku godinu.

Član 8.

Redovni studenti prvog i integriranog prvog i drugog ciklusa studija koji se finansiraju iz Budžeta TK i redovni studenti koji se sami finansiraju, a koji pripadaju kategoriji lica iz člana 20. stav 1. Zakona o dopunskim pravima branitelja i članova njihovih porodica ("Službene novine TK" broj: 5/12, 5/14, 12/16 i 6/20), u akademskoj 2020/21. godini plaćaju do 50% iznosa participacije, odnosno do 50% iznosa školarine utvrđenih ovom Odlukom, u skladu sa Zakonom i pod uslovom da su ova prava ostvarili na području Tuzlanskog kantona.

Redovni studenti prvog i integriranog prvog i drugog ciklusa studija koji se finansiraju iz Budžeta TK i redovni studenti koji se sami finansiraju, a pripadaju kategoriji lica iz člana 100. Zakona o socijalnoj zaštiti, zaštiti civilnih žrtava rata i zaštiti porodice s djecom ("Službene novine TK" broj: 5/12, 7/14, 11/15 i 13/16), u akademskoj 2020/21. godini plaćaju 50% iznosa participacije, odnosno 50% iznosa školarine utvrđenih ovom Odlukom, u skladu sa Zakonom.

Član 9.

Sredstva koja Univerzitet ostvari primjenom ove Odluke uplaćivat će se na depozitni račun javnih prihoda Budžeta Kantona.

Član 10.

Studenti strani državljani i lica bez državljanstva, koji studiraju na prvom i integriranom prvom i drugom ciklusu studija na fakultetima/Akademiji Univerziteta u Tuzli, participiraju u troškovima

studija u visini utvrđenoj Odlukama Vlade Tuzlanskog kantona o participaciji troškova prvog i integriranog prvog i drugog ciklusa studija, te drugog i trećeg ciklusa studija na fakultetima Univerziteta u Tuzli za studente koji ne posjeduju državljanstvo BiH.

Član 11.

Prijedlog Odluke dostavlja se Vladi Tuzlanskog kantona radi davanja prethodne saglasnosti.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Broj: 04-2373-1/20

Tuzla, 01.06.2020. godine

PREDSJEDNICA
UPRAVNOG ODBORA

Senada Karajbić, dipl.pravnik